

〔日本後紀平城〕大同三年六月壬戌、西海道觀察使兼大宰帥從三位藤原朝臣繩主上表曰、伏奉發中之詔、擢臣爲西海道觀察使、兼賜食封、恭聞顯命、恩越恒品、心魂震奮、啓處無地。臣聞諸道觀察使任在內官、更無外澤、至于賜封、固其宜矣。於臣身居當道、饒給公廨、兼亦食邑、偏濫殊甚、又臣性識庸虛、一無足取、況乎奉使經歲、政達未聞、伏願奉返使封、少免素浪、區々丹願、伏待矜允、謹遣少典正七位下臣山田造益人奉表以聞、詔報曰、忽省來表、獨辭使封、執志謙退、聲溢時聽、但遠出外州、人之所苦、卿者爲方牧、兼居藩鎮、思欲分憂同康景化、忠肅之懿、優賞斯期、宜得此意、無煩重表。

〔日本紀略嵯峨〕大同四年四月乙未勅、去大同元年六月十日、始置諸道觀察使、寄深庇俗任重求瘼、故二年四月十六日賜食封各二百戶、頃年諸國損弊、百姓困乏云々、今支度公用頗有欠少、宜贍返納令兼外任、以彼公廨代此食封、若依理解任及致仕者、則還納別封、其返收封宜待兼國。

〔續日本紀桓武〕延曆八年八月庚寅、先是參議正三位佐伯宿禰今毛人致仕、而罷其參議封戶、減半賜之、下知民部、以爲永例矣、

○按ズルニ大臣納言致仕減半ノ制ハ、祿令ノ本註ニアリ、上ニ引ケリ、

〔日本紀略一條〕正曆三年十月十四日甲戌、前權大納言源重光准致仕賜職封、

〔續日本後紀仁明〕承和十一年閏七月辛酉、左大臣源朝臣常重上表曰、云々、敕書於左大臣曰、所表具之。○中卿深鑒損挹、固守冲虛、減封之請、前後累通、朕與卿昆季義兼家國、偏行則公議不聽、兩遂則私情難忍、雖賞輕德重、自先害盈之嫌、而派分枝連欲益福、謙之利、故屈之于此、申之于彼、以元來望、宜知此意。

○按ズルニ史文闕逸シテ其事ヲ詳ニスルコト能ハズ、恐ラクハ亦減半ヲ請ヒシナラン、

〔續日本後紀仁明〕承和十二年正月甲戌、右大臣從二位橘朝臣氏公上表、請返食封一千戶、天皇賜勅書聽之、事具公卿傳、